



Adresseinformasjon fylles inn ved ekspedering.  
Se mottakerliste nedenfor.

Dato: 11.04.2016  
Vår ref: 15/00305-9  
Deres ref:

## Høring av søknad frå Olav Severin Opsal om driftskonsesjon for Røda i Grytdalen i Vanylven kommune

Leiv Erikssons vei 39  
Postboks 3021 Lade  
N-7441 Trondheim

**TELEFON** + 47 73 90 40 50  
**E-POST** mail@dirmin.no  
**WEB** www.dirmin.no

**GIRO** 7694.05.05883  
**SWIFT** DNBANOKK  
**IBAN** NO5376940505883  
**ORG\_NR.** NO 974 760 282

**SVALBARDKONTOR**  
**TELEFON** +47 79 02 12 92

Direktoratet for mineralforvaltning med Bergmeisteren for Svalbard (DMF) har motteke søknad om driftskonsesjon etter § 43 i lov om erverv og utvinning av mineralressurser (minerallova) frå Olav Severin Opsal (org.nr. 969 261 014), datert 01.11.15.

Søknaden med vedlegg er tilgjengeleg på DMFs heimeside: <http://www.dirmin.no/> under "Saker til høring". Høyringsinstansane kan få tilsendt papirutgåve av søknaden ved førespurnad.

Høyringsfristen er **fredag 13. mai 2016**.

### Søknaden

Røda i Grytdalen er lokalisert på gnr./bnr. 80/2 i Vanylven kommune. Området som det søkast om driftskonsesjon for omfattar 27,9 daa og er satt av til råstoffutvinning i kommuneplanen sin arealdel vedteke i 2014. Det føreligg ikkje ein reguleringsplan for området.

Førekomsten består av morenemassar og er eigna til produksjon av pukk, singel og veggrus. Totalvolum for uttaket er rekna til 140 000 m<sup>3</sup> og forventa årleg uttak er 2000-5000 m<sup>3</sup>.

### DMFs behandling av søknaden

Formålet med minerallova er å fremme og sikre samfunnsmessig forsvarleg forvaltning og bruk av mineralressursane i samsvar med prinsippet om berekraftig utvikling.

DMF er konsesjonsstyresmakt i saker med samla uttak av mineralførekomst på meir enn 10 000 m<sup>3</sup> masse og for alle uttak av naturstein.

DMF sender søknadene, inkludert driftsplanar, på høring til aktuelle høyringsinstansar jf. forvaltningslova § 17. Dette vil normalt vere grunneigaren og andre kjende rettshavarar, eigarar, drivarar og bebuarar og andre kjende rettshavarar på naboeigedommar som kan bli påverka, i tillegg til kommunen (kommunane), fylkeskommunen og statlege forvaltningsorgan.



Søkjaren får høve til å kommentere innkomne høyringsfråsegner før DMF gjer vedtak.

Innkomne konsesjonssøknader blir underlagde ei skjønsmessig prøving hos DMF før vi avgjer om vi skal gi driftskonsesjon. Ved vurderinga av om vi skal gi driftskonsesjon, legg vi vekt på om søkjaren er «skikka» til å utvinne førekomsten, det vil seie om prosjektet verkar gjennomførleg økonomisk, om det er lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. Ved vurderinga av om vi skal gi driftskonsesjon, skal vi òg leggje vekt på

- kva innverknad tiltaket vil ha på verdiskaping og næringsutvikling
- kva innverknad tiltaket eventuelt vil ha på naturgrunnlaget for samisk kultur, næringsliv og samfunnsliv
- kva innverknad tiltaket vil ha på omgivnadene og nærliggjande område under drifta
- kva konsekvensar ei utvinning vil ha for miljøet
- kva for planar som ligg føre for etterbruk eller tilbakeføring av området

Dersom DMF gir driftskonsesjon, er det normalt knytt vilkår til denne, jf. minerallova 43. Vilkåra omfattar blant anna krav om driftsplan, økonomisk garanti osv.

DMF gjer merksam på at ein driftskonsesjon gitt i medhald av minerallova ikkje erstattar krav om løyve, godkjenning, arealplan eller konsesjon etter anna lovgiving. Det er søkjaren som har ansvaret for å innhente slike løyve.

#### **Nærmare om høyringsfråsegnene**

Vi oppfordrar høyringsinstansane til å komme med grunngitte synspunkt på om DMF bør gi konsesjon eller ikkje, under dette komme med konkrete forslag til avbøtande tiltak og vilkår som bør stillast med tanke på det ansvarsområdet den aktuelle instansen er sett til å forvalte. Frå private partar ber vi òg om innspel dei reknar som relevante ut frå konkrete forhold i den aktuelle saka. Dersom høyringsinstansen er kjend med forhold som ikkje er tilstrekkeleg klarlagde i søknaden, ønskjer vi opplysningar om det.

Generelle kommentarar knytte til arealbruk i området skal ikkje vurderast ved ein søknad om driftskonsesjon. Dette er sikra gjennom plan- og bygningslova. Synspunkt knytte til kommunens allereie vedtekne arealdisponering (arealplan, reguleringsplan og eventuell dispensasjon frå reguleringsplan) vil vi derfor ikkje leggje særleg vekt på ved vurderinga.

Vi ber kommunen spesielt informere oss snarast mogleg om det finst særleg påverka partar som ikkje står på adresselista.

Naturmangfaldlova § 7 pålegg alle myndigheitsinstansar som fattar avgjerder som har verknadar for naturen å vurdere planlagde tiltak opp mot prinsippa i naturmangfaldlova §§ 8-12.

Søk i Naturbase (gjennomført 14.12.2015) viser ingen registreringar for uttaksområdet verken for naturmangfald eller kulturminner. I Artskart (søk gjort 14.12.2015) er det en rekke registreringar av livskraftige bestander av lav, nordflaggermus samt fossefall ved Grytelva.



DMF ber høyringspartane om å gi opplysningar om naturmangfald og kulturminner som kan være viktig for å opplyse saken, og som eventuelt ikkje går fram av kjente registreringar.

**Innsending av høyringsfråsegner**

Vi ber om at høyringsfråsegna blir send innan fristen **fredag 13. mai 2016**, på e-post til **mail@dirmin.no** eller ordinær post til: **Direktoratet for mineralforvaltning med Bergmeisteren for Svalbard, Postboks 3021 Lade, 7441 Trondheim.**

Delar av høyringsfråsegner kan bli siterte i vedtaket om å gi konsesjon eller ikkje. Dersom fråsegna er omfattande, er det derfor ein fordel om det blir utarbeidd eit samandrag som kan brukast til dette.

For nærmere informasjon om mineralloven med tilhørende forskrifter, se hjemmesiden vår på [www.dirmin.no](http://www.dirmin.no).

Vennlig hilsen

Ingeborg Solberg  
seniorrådgiver

Marit Ollestad  
rådgiver

*Dokumentet er elektronisk signert og har derfor ikke håndskrevne signaturer.*  
Saksbehandler: Marit Ollestad



Mottakere:

Vanylven kommune	Rådhuset	6143 FISKÅ
Møre og Romsdal fylkeskommune	Fylkeshuset	6404 MOLDE
Fylkesmannen i Møre og Romsdal	Postboks 2520	6404 MOLDE
Norges vassdrags- og energidirektoratet Region Midt-Norge	Vestre Rosten 81	7075 TILLER
Einar Andreas Breiteig		6140 SYVDE
Torbjørn Stokke Hoddevik		6140 SYVDE
Per Magne Opsal		6140 SYVDE
Ronny Jørgensen		6140 SYVDE
Paul Asbjørn Eikrem	Erikmarka 6	6030 LANGEVÅG
Kenneth Halse Eikrem		6140 SYVDE
Tore Elling Ulvestad	Seimshovden 30	5260 INDRE ARNA

Kopi til: